

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 74 (1989)

Heft: 1

Artikel: Architectura e tradiziun : in commentari tier dus maletgs

Autor: Cathomen, Luregn

DOI: <https://doi.org/10.5169/seals-881930>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

ARCHITECTURA E TRADIZIUN


In commentari tier dus maletgs

LUREGN CATHOMEN

Tgirar, conservar, proteger. L'attenziun ed igl interess per tut quei che ei vegl ha els davos decennis priu tier considerabla mein. Ins han concepiu leschas ed uordens, clamau en veta uffecis ed instituziuns. Sco aunc mai s'interessescha nossa societad per siu vargau.

Eis ei respect visavi la tradiziun, dall'ierta, ni eis ei la tema da piarder l'orientaziun en in contuorn dinamic.

E sche nus sedumandein tgei valurs duegien vegir protegidas essan nus beinsavens perplexs.



Per exemplel in clavaziel cun sia construcziun tradida e cumprovada, sia implantaziun e situaziun, la disposiziun da clavau e nuegl, eschs e portas, seivs e classena.

Material e construcziun corrispundan alla

muntada digl edifeci: correcta la pendenza dil tetg (avunda pendenza per che la plievgia cuori giu, e tuttina buca memia teissa, aschia che la neiv resta sin tetg), la part da lenn sin in mir da crappa ed aschia schurmegiada dall'humiditat, la grunda lada avunda per cuvierer ils mugrins. Sempels ils detagls constructivs, sempels ils ornaments.

Quei che fascinescha nus ei la mudestad radicala digl edifeci, il qual ei vegnius perfecziunaus duront tschenteners ed adattaus dil tuttafatg als basegns individuals ed a siu contuorn.



In secund exemplel: In hotel, tut otras dimensiuns, tut in'autra preschientscha, cun tuors ed ornements, tschentaus sin ina collina. Ina schligiaziun buca meins radicala ch'igl emprem exempl. Igl edifeci ei adattaus dil tuttafatg als basegns dalla hotellaria. In baghetg cun tut confort, amiez la natira.

Omisdis exemplels ein vegni construi gia avon entgins decennis tut cundiziuns so-

cialas ed economicas fetg differentas da quellas d'ozildi. Tuttina, e forsa gest orda quei motiv, tschaffa nus in cert malruaus cura ch'in edifeci vegn spazzaus e remplazzaus entras in baghetg niev. Igl ei quei malesser buca articulau che semanifesta era ellas prescripcjuns esteticas dils uordens da construcziun ed ellas leschas da schurmetg e protecziun. Nus essan buca dil tuttafatg segirs da nies agir.

Eis ei veramein necessari de remplazzar il baghetg existent? Fuss ei buca pusseivel dad adattar el als novs basegns? En biars cass ei in renovaziun la megliera sligaziun. Ei setracta buca mo da conservar in document historic, mobein ed oravontut d'adattar in edifeci existent ad ina nova situaziun sociala. Il baghetg survegn in'altra muntada en siu contuorn tradiziunal. Vegl e niev vegnan confruntai in cun l'auter e sforzan nus da reponderar valurs tradidas e tendenzas hodiernas.

Segir ei che artechels estetics ellas leschas da baghegiar ein buca in instrument adattau per schligiau tals problems. La discrepanza denter fuorma e diever, sco quei ch'ella sepresenta ozildi tier ils baghetgs d'economia ed ella hotellaria, ein in barometer per la confusiun estetica e la mun-

conza da senn per la tradiziun. Las fuormas ein vegnidias vitas. Las fuormas dil clavau e digl hotel d'ozildi serefereschan il pli savens en banalitads formalas ad ina tradiziun. Baghetgs voluminus e tecnisai sezuppan en in vestgiu tradiziunal. Savens sedamondel jeu, pertgei ch'ins ei aschi premuraus da zuppentar vi la realitat enstagl da prender francamein posizion. Era sche la dinamica ed il svilup ein mai stai characteristics per communitads pintgas e las forzas innovativas han il pli savens giu lur tgina ella concentraziun urbana, astgein nus buca untgir ora alla confruntaziun cun la realitat. Pér ina discussiun aviarta ei el cass da metter sin via las forzas innovativas necessarias per il surviver da cultura e tradiziun.

Forsa eis ei lu pusseivel che l'architectura sepresenta en tutta sinceridad e sto buca pli sezuppar davos tetgals e curnischs, crunas da matgs, atrappas e manzegnas. Forsa astga lu claustra esser claustra ed ina casa da habitar vul buca pli esser in casti. Ils edifecis san lu puspei vegnir concepi teñor lur diever e lur muntada e ston buca vegnir zuppai e stuschai ord la schientscha d'ina communitad.